



BOSNIA AND HERZEGOVINA  
MINISTRY OF FINANCE  
AND TREASURY

Broj: 05-02-1-100-3/14  
Sarajevo, 12.08.2014. godine

**SVIM BUDŽETSKIM KORISNICIMA**

**Predmet: Instrukcija za izradu operativnih/dinamičkih planova institucija  
BiH prema Zakonu o izmjenama i dopuni Zakona o budžetu institucija  
BiH i međunarodnih obaveza BiH za 2014. godinu**

Na osnovu člana 12. Zakona o finansiranju institucija Bosne i Hercegovine („Službeni glasnik BiH“, broj 61/04, 49/09, 42/12, 87/12 i 32/13), obavještavamo vas da je usvojen Zakon o izmjenama i dopuni Zakona o budžetu institucija BiH i međunarodnih obaveza BiH za 2014. godinu, koji je stupio na snagu 12.08.2014. godine, a tabele o odobrenim budžetskim sredstvima za 2014. godinu vam dostavljamo u prilogu.

U skladu sa navedenim Zakonom, a u cilju održavanja budžetske ravnoteže svi su budžetski korisnici dužni Ministarstvu finansija i trezora BiH **do 20.08.2014. godine** dostaviti **prijedloge operativnih budžeta za period januar - decembar 2014. godine** i to do iznosa iz usvojenog Zakona o izmjenama i dopuni Zakona o budžetu institucija BiH i međunarodnih obaveza BiH za 2014. godinu („Službeni glasnik BiH“, broj 60/14).

Operativne/dinamičke planove (tabele) popuniti u skladu sa „*Instrukcijom o načinu izrade operativnih planova za izvršenje Budžeta institucija BiH za 2014. godinu i o načinu praćenja programa posebnih namjena*“ br. 05-02-1-100-2/14 ([www.mft.gov.ba](http://www.mft.gov.ba)), s tim da se obavezuju korisnici da rasporede rashode na sintetičkim ekonomskim kategorijama u tabelama 1-4, tako da u koloni 4. „Budžet institucije za 2014. godinu“ budu iskazani iznosi iz Zakona o budžetu institucija BiH i međunarodnih obaveza BiH za 2014. godinu („Službeni glasnik BiH“, broj 104/13), a u koloni 5. „Rebalans Budžeta institucije za 2014. godinu“ budu iskazani iznosi iz Zakona o izmjenama i dopuni Zakona o budžetu institucija BiH i međunarodnih obaveza BiH za 2014. godinu („Službeni glasnik BiH“, broj 60/14).

Zatim, u skladu sa „*Instrukcijom o usklađivanju odobrenih sredstava po Budžetu institucija BiH za 2014. godinu u okviru ekonomskih kategorija nakon tehničkih izmjena u kontnom planu*“ br. 01-08-02-1-3631-1/14, u koloni 6. je neophodno iskazati „Razlike prouzrokovane tehničkim izmjenama u kontnom planu u odnosu na rebalans“, kako bi se u odnosu na rebalans dobili podaci u koloni 7. „Budžet institucije za 2014. godinu nakon izmjene kontnog plana i rebalansa“, tako da će parametri iz kolone 7., nakon izvršene kontrole „Tabele 1a - Pregled ukupno odobrenog budžeta po ekonomskim kategorijama i mjestu potrošnje za 2014. godinu“ usklađene sa novim kontnim planom na sintetičkim i analitičkim ekonomskim

kategorijama i upoređene sa prethodno dostavljenim tabelama 1a, predstavljati odobreni Budžet institucija za 2014. godinu.

Kolonu 8. „Prestrukturisani Budžet institucije za 2014. godinu“, će popuniti samo korisnici kojima je Ministarstvo finansija i trezora BiH svojom odlukom odobrilo prestrukturisanje rashoda Bužeta institucije za 2014. godinu, s tim da se prestrukturisani Budžet institucije za 2014. godinu mora usaglasiti sa kolonom 7.

U tabelama 2-4 je neophodno iskazati dinamiku rashoda u periodu januar – juli 2014. u ukupnom iznosu prema već odobrenim operativnim/dinamičkim planovima u tom periodu, dok je **u periodu avgust – decembar 2014. godine potrebno iskazati izmjene dinamike rashoda** na osnovu Zakona o izmjenama i dopuni Zakona o budžetu institucija BiH i međunarodnih obaveza BiH za 2014. godinu („Službeni glasnik BiH“, broj 60/14).

**Operativne/dinamičke planove za planirane** Programe posebnih namjena, odnosno za **rashode finansirane iz namjenskih prihoda, donacija, grantova, primitaka i dr. potrebno je posebno iskazati po ekonomskim kategorijama u tabelama 4.**, dok za Programe posebnih namjena finansirane iz sredstava donacija, grantova, namjenskih i udruženih sredstava, na osnovu ostvarenih priliva namjenskih sredstava iskazanih u tabelama 5. i dostavljenih Ministarstvu finansija i trezora u periodu januar – juli 2014. godine, nije potrebno ponovo dostavljati.

**Korisnici kod koji je došlo do izmjene kapitalnih izdataka** iskazanih u Zakonu o izmjenama i dopuni Zakona o budžetu institucija BiH i međunarodnih obaveza BiH za 2014. godinu („Službeni glasnik BiH“, broj 60/14) **potrebno je da dostave izmjene namjenske strukture kapitalnih izdataka za 2014. godinu.**

**Uz operativne/dinamičke planove obavezno dostaviti adekvatno obrazloženje sintetičkih i analitičkih kategorija** i zajedno sa tabelama dostaviti u elektronskoj formi na CD-u. **Tabele operativnog/dinamičkog plana i obrazloženje moraju biti potpisane i ovjerene od strane odgovornih lica budžetskog korisnika.**

Izvršavanje Budžeta institucija BiH u dijelu rashoda operativno će se usklađivati sa dinamikom ostvarenja prihoda predviđenih Budžetom.

Za provođenje Zakona o izmjenama i dopuni Zakona o budžetu institucija BiH i međunarodnih obaveza BiH za 2014. godinu („Službeni glasnik BiH“, broj 60/14) primjenjuju se odredbe i procedure utvrđene i donesene na osnovu Zakona o budžetu institucija Bosne i Hercegovine i međunarodnih obaveza Bosne i Hercegovine za 2014. godinu ("Službeni glasnik BiH", broj 104/13).

S poštovanjem,

PRILOG:

Izmjene i dopune Budžeta institucija BiH za 2014.g.  
Tabele operativnog plana 1 – 4

**MINISTAR**  
**dr Nikola Špirić, s.r.**